

جريدة محاكم

صالي

نومرو ۲۰ ذی الحجہ ۴ سنہ ۱۲۹۶ تشرین اول ۶ سنہ ۱۲۹۵ صحیفہ ۱۵۳

اشبو غزته بهر هفته صالی کونلری چیقار . سنہ لکی التمش غروش و بهر نسخہ سی التمش پاره .
 مجیدیه اوله رق هر برده صاتیلور . درج اولنه حق اعلاناتک بهر سطرندن ایکی غروش التوز .
 سنہ لکنه مشتری اولق استیانلر عدلیه نظارت جلیله سی اوراق مدیر لکنه مراجعت ایتلیدر .

اورافک دخی قیدیه خرجندن مستثنا طوتلسی
 ثالثا اجرای محاکمه ایچون تعیین اولشان بومده
 طرفیندن هر قنغیسی کلز ایسه انک غیابندن حکم
 اولنه بیتک ایچون انلره بشقه بشقه احضار پوصله سی
 کوندرلسی واکر محاکمه نک یوم آخره تعلیقنه محکمه جه
 قرار ویریلور و بوقرار دخی طرفینه بیلدیریلور
 ایسه بوقرار طرفینک غیابنده اتخاذا اولمدقجه
 ویاخود طرفیندن بری حاضر بوانوبده حکم غیابی
 طلب ایش اولمدقجه تکرار احضار پوصله سی
 تحریرینه حاجت اولماسی رابعاً بشپوز بیک
 غروشه قدر اولان دعوالردن بوزده ایکی نسبتنده
 و بو مقداردن زیاده سی ایچون بوزده بر نسبتنده
 خرج اعلام النسی خامسا برشیک ضبط
 وتصرفی حقنده اعطا اولنه حق اعلاملردن بوزده
 ایکی نسبتنده و بونک غیری حق مرور کبی دعوالر
 اوزرینه اولان قرارلری حاوی اعلاملردن مقطوع
 خرج النسی سادسا اعلامک اجراسی ایچون
 حکم اولان طرفه تبلیغی لازم کلان صورت ایچون

(فی ۲۴ ذی القعدة سنه ۹۶ و فی ۲۷ تشرین اول)
 (سنه ۹۵ تاریخیه بالعموم در سعادت محاکمی)
 (رؤسایله ولایات مدعی عمومیلرینه و محاکم تجارت)
 (رئیسایرینه یازیلان تحریرات صورتیدر)
 تبعه اجنبیه نک محاکم عثمانیه دن اخذ ایلدکاری
 اعلاماتدن طولابی محکوم اولان مبالغدن شمعی یه
 قدر بوزده بر حسابیه خرج التمقده ایکن بو کره نشر
 اولنان تعرفده خرج اعلامک بوزده ایکی حسابیه
 ترتیب ودها برطاق رسوم تأسیس قلمسندن طولابی
 دول متحابه سفارتلری جانبندن وقوعه کلان
 اعتراضات اوزرینه بویابده سفارت ترجانلریله محکمه
 تجارت ریاست اولیسی بیئنده جریان ایدن مذاکراتک
 نتیجه سنده اولا محاکمه ورود ایده جک سفارت
 و باقونسلوس تقریر لریله بونلره مربوط اولان استدا
 نامه صورتلرینک قیدیه خرجندن مستثنا طوتلسی
 ثانیاً مدعی عمومیلرک مداخله ایده جکی جزا
 دعوالر زده جریمک ثبوتنه متعلق محاکمه ابراز اولنه حق
 اوراق انلرک واسطه سیله ویریله جکندن

مقطوبا اوتوز غروش النمسی وائسای محاکمه ده
 دعوايه متعلق اوراقل طرفیندن استخراج اولنه حق
 صورتلرین طولای خرح التامسی سابعاً جزا
 دعوالرنده بر موجب تعرفه النمسی لازم کلان خرجلرک
 تأدیة اولنماسیدن طولای دعوارک رؤیتندن صرف
 نظر اولنماسی نامنا اموال مسروقه نك انجق
 صاحبیه تسلیمده خرجنك النمسی تاسعا قجبلاربه لر
 طرفیندن تبعه اجنبیه حقننده تنظیم اولنه حق
 وکالتامدرک اصول حاضریه توفیقا معتبر طولمسی
 و بونلرک ترکیه و یاخود فرانسزجه اوله رق تحریری
 و یاخود بولساندن بریله مصدق ترجمه سی بولنمسی
 صورتلری قرارلشدیریله رق اولبابده عدلیه نظارتندن
 تقدیم قلنان تقریر مجلس مخصوص وکلاده لیدی
 القرانه تعدیلات محرره بی حاوی تنظیم اولنان
 فرانسزجه ورقه صورتنك ذکر اولنان سفارتلره
 تبلیغات لازمه اجراسی ضمننده نظارت جلیله
 خارجیه به حواله سیله بومساعدات تبعه اجنبیه
 مخصوص و منحصر اولیوب تبعه عثمانیه حقننده
 دخی جاری اوله رق مساوات مطلوبه نك تمامی
 استحصالی بالنسب کیفیتنك نظارت مشار الیه یه اشعار
 قلنمش اولدیغی بیان عالیسیله برمنوال محرر اقتضاسنك
 ایفاسی شرفوارد اولان تذکره سامیه جناب
 وکالتپناهیده امر و اشعار بیورلمش و صورت حال
 اقتضا ایدنلره بیلدیلمش اولغله اوراچه دخی
 برمنوال مشروح ایجابنه مبادرت اولنمسی

(فی ۲۸ ذی القعدة سنه ۹۶ و فی ۳۱ تشرین)
 (اول سنه ۹۵ تاریخ و بشبور فرق الی عدلیه)
 (محکمه تمیز جزا دآره سندن ویریلان)
 (اعلامک صورتیدر)

ایتالیا دولتی تبعه سندن شامشریف قرآنکده طبعی

یوسف پیاجینک مخدومی پترونگ قاتلاری قاپوز
 قریه سی اهالیسندن احمد جنید و برادری دیب جنیده
 حقلرنده جریان ایدن تحقیقات و محاکماتی و حکم
 اولنان مجازاتی حاوی مرکز ولایت بدایت محکمه سندن
 تنظیم و محکمه استینافی ولایتن تصدیق قلنمش اولان
 بالاسی استنطاقلو مضبطه ایله اوراق مترعه سی
 سوریه ولایتندن ۲۰ جادی الاولی سنه ۹۶ و فی
 ۲۹ نیسان سنه ۹۵ تاریخی و بوز یکریمی طقو
 نومرولی تحریرات ایله کوندلرلمش اولغله محکما
 تمیز جزا دآره سنده مطالعه قلندی
 مالکرنندن مستفاد اولدیغی اوزره مزبور پترونگ
 طقسان بش سنه سی ربیع الاولنك طقوزنجی صالی
 کونی کورشمک اوزره قریه مذکوره بولنان پدیری
 زدنیه عزیمت و بعد الملاقات عودت ایلدیکی حاله
 شام شریفه مواصلت ایتماش و راکب اولدیغی
 مرکبک دخی برچوجهده بولنمش اولدیغی بیابنه
 اجرای ایجابی ایتالیا دولتی قونسولاتوسی طرفندر
 التماس اولنمسی اوزرینه اجرا قلنان تحریرات
 پترونگ جسیدی یکریمی بریرندن مجروح اوله رق
 قریه مذکوره ده برترلا دروننده بولنمش و مر قومار
 احمد جنید و دیب جنید ایله سائر معلوم الاسامی
 کسانک شو ایشیده مدخل و معلوماتلرینه دار
 امارات دخی استحصال ایدلمش اولغله قونسولات
 ترجمانی حاضر اولدیغی حالده جریان ایدن
 تحقیقات استنطاقیه و محاکمه نتیجه سنده فعل قلنك
 مر قومار احمد جنید و دیب جنیددن صدوری ثابت
 اوله رق فقط تعمددا وقوعی متین اولدیغی جهت
 مر قومانك قانون جزانك یوزتمش دردنجی ماده سنك
 فقره اوابسنه توفیقا بعد التشهیر اون بشر سنه
 مدله کورکه قونلرینه و جسد مقتولی نقل و اخفاده
 مدخلی ثابت اولان علی رجه نام کیسه نك یوزیتش
 ماده قانونیه موجبجه الی ماه حبسیه

کندوسندن جزای نقدی اوله رق ایکی یوزنك النون
 اخذینه اکثریت وقتل مذکوره مدخلارینی حکمه
 مدار اولور اماره بولنمیان سائر مضبوط الاسامی
 کسانک مکفلاتخلیه سبیلرینه اتفاق آرا ایله ویریلان
 وقونسولاتو جانبندن پروتستو ایدیلان قرار تحت
 امضایه المصدقن صکره کیفیتنك مضبطه سی در دست
 تنظیم ایکن مقتولک پدیری بوخصوص حقننده
 تحقیقات سابقه خارجنده اخیرا بعض دلایل و براهین
 ظهور ایدیکندن بحثله تعمیق تدقیقات اولنمسی
 طلب ایدوب اولبابده بعض معاملات و مخبرات
 جریانندن صکره محکمه مذکوره تدقیقات اخیره
 اجراسنه تشبثله بعد الاکمال کیفیتنك تکرار موقع
 مذاکره قویه رق مر قومار احمد جنید و دیب
 جنیدک قتل مذکوری بالنصورت تعمددا ایقاع ایتمش
 اولدقلرینه و دیگر کسانک برات ذمترلرینه اکثریتله
 قرار ویروب مضبطه سی تنظیم و محکمه استینافی
 ولایت اعطا ایتمش و اورادن مجازات قانونیه نك
 تعیین و تبلیغی ایچون اعاده اولنمسی اوزرینه مر قومانك
 یوزیتمشجی ماده قانونیه منطوقجه اعداملرینه
 كذلك اکثریتله حکم ایدیلرک بو حکمک تبلیغ
 اولدیغنه دار ذیلا دیگر مضبطه یازمش و بونك
 اوزرینه محکمه استینافی ولایت دخی قاتل مر قومانك
 وقوعبولان اعتراضلری اساسسنز اولدیغندن بحثله
 حکم مذکوری تصدیقه اکثریتله قرار ویرمشدر
 صورت اشعاره نظرا قتل مذکورک مرکز ولایت
 اولان سنجاق داخلنده وقوعبولدیغی و بناء علیه
 بو بابده ایجاب ایدن محاکمه و حکمک محاکم نظامیه
 نظامنامه سنك اون بشجعی ماده سی منطوقجه محکمه
 استینافی ولایته عائد ایکن لوا بدایت محکمه سنده
 جریان ایلدیکی اکلاشلوب اگرچه بومقوله مرکز
 ولایت اولان سنجاق داخلنده وقوعه کلوبده

محاکمه سی محکمه استینافی ولایته عائد خصوصات
 جنائیه نك مرکز لوا بدایت محکمه سنده رویتی
 حالنده عند التمیز محاکمه نك صورت جریان یی بولنده
 و حکم واقعک قانونه موافقتی کوریلور ایسه تصدیق
 قاعده سنك اتخاذه امثالی حقننده محکمه تمیزجه
 اکثریت آرا ایله قرار کیر اولمش ایسده خصوص
 مذکوره مخالف نظام کورینان صورت بالکز
 بولندن عبارت اولیوب بالاده بیان اولدیغی اوزره
 مذکور بدایت محکمه سی مر قومار حقننده ابتدا
 کورک جزاسی حکم ایدرک بو حکمی تبلیغ ایتمش
 ایکن یا محکمه استینافی ولایت و یا محکمه تمیز
 طرفیندن عند التدقیق برکونه قرار و اشعار وقوع
 بولمسنزین تکرار تدقیق کیفیتله مر قومانك
 اعداملرینه حکم ویرمش و بو صورتله بر محکمه دن
 برخصوص حقننده حکم نظامه مستند اولدیرق
 بر برینه مخالف حکم صادر اولمش و برده مواد
 جزائیه ده حکم ایچون ثلثان ارانك حصولی مقتضی
 ایکن مذکور حکملرک ایکیسنده دخی بوکارعبت
 ایدیلرک و بتخصیص جزای اعدام ایچون اخیرا
 لاحق اولان حکمده سکر ذاندن عبارت اولان
 هیئت محکمه نك دزدی مخالف اولدیغی ویردکاری
 شرحلردن مستبان اولسنه کوره بو حکم تساوی
 آرا اراسنده حصوله کلش اولدیغندن بویله
 بر محکمه دن بر برینه مابین اولان و اکثریت نظامیه
 مبتنی بولنمیان حکملرک تصدیق قابل اولدیغنه مبنی
 خصوص مذکورک احکام قانونیه دآره سنده رویتی
 ایچون اوراق مذکوره نك اعاده سنه قرار ویرلیدی

(اون طقوزنجی نومروده مندرج اعلامک بقیه سی)

غروشک شریکری بولنان قصاب خرستودن اخذ اولندیغنی حاکی برقطعه مقبوض علم وخبیری ورده مذکور مغازه نك طقسان ایکی سنه سی بدل ایجاری رضا افندی نامنده برذاته حواله اولوب مومی الیهک وقوعبولان ادعاسی اوزرینه سحر خانمک ویرکودن حصه سنه اصابت ایدن درتوز سکسان ایکی غروشک بدل ایجاردن حصه سی اولان قرق ایکی بچق لیرادن بالتزویل باقی اوتوز بدی لیرا التمش سکر غروشک مؤکلمدن تحصیل حقیقده مقدماتک اوغلی حقوق دائرة سندن ویرلش اولان اعلامی ارانته ایدرک مؤکلمک بالفرض سحر خانم قارشو لیرا حسابله مسؤل اولسی لازم کلسه بوده اعلام مذکور منطوقجه قرق ایکی بچق لیرادن عبارت اوله جغنی درمیان ایتمکله تدقیق ماده ضمننده امام مومی الیهک دفترینه مراجعت اولندوقده مذکور مغازه نك برنجی سنه التي یوز اوتوز وایکنجی سنه التي یوز اوز لیرایه ایجار اولندیغنی مقید طرفین وکیلاری دخی بونده متصادق اولوب انجق اوچنجی سنه ایچور عقد ایجاری مدعیه وکیل انکار وامام افندی دخی دیگر حصه دارانک اتفاقیله اوچنجی سنه نك بدل ایجاری الی بریک غروشه تنزیل ایدلش ایسهه سحر خانم طرفندن بوکا موافقت اولندیغنی تذکر ایلش اولمیرله شوخالده تنزیل بدله سحر خانمک رضاسی منضمه اولندیغنی وبنابرین خرستونک مدعیه مزبوره حصه سنده فضولی اقامت ایتمکده بولندیغنی اکلاشلدیغنه و مذکور مغازه معد الاستقلال اولوب اجر مثل لازم کله جکی کتاب الاجاره نك درتوزنجی ایکنجی ماده سنده مصرح اولدیغنی کبی مأجر مذکورک سنه سابقه بدل ایجاری اولان التي یوز اون لیرا بوکا مثال اوله رق مزبوره سحر خانمک حصه سنک سنوی قرق ایکی بچق لیرا اجر مثل بولندیغنی مستبان اولدیغنه مینی مذکور قرق ایکی بچق لیرانک

باشا محله سنده طوبیجار جاده سنده کآن مع مشتملات قرق نومرولی مغازه بی سنوی التي یوز اوتوز لیرا بدل و اوچ سنه مدت ایله استیجار ایتش اولان خرستو اوچنجی سنه نك بدل ایجاردن کمدو حصه سنه طاند اولان قرق بش لیرایه بهری ایچون بر یوزلک ورده اولنق قائمه حسابله تأدییه ایتسک استدیکندن بحمله بونک بر موجب مقاوله النون اوله رق خرستودن تحصیلنی وکیل ویرادری مراد افندی وساطتیه دعوی ایدوب خرستونک وکیل پنايوط یورکیادی دخی فی الحقیقه مؤکلی مذکور مغازه بی اولوجهله استیجار ایتش ایسهه برسنه صکره مقاوله نامه حکمک فسخیله بدل ایجار التي یوز اون لیرایه اوچنجی سنه یعنی طقسان اوچ سنه سی مارتنده دخی عقد ثانی وقوعبوله رق بدل مذکور بشبوز الی عدد یوزلک قائمیه تنزیل ایدلدیکنی افاده بیان ایدلدیکی کبی مدعیه وکیلندن دعواسی مؤید مقاوله نامه طلب وعقد ثانی حقیقده نه دیه جکی سؤال اولندوقده مذکور مقاوله نامه مدعی علیهک زنده اولوب محله امامی افندی نك دفترنده مقید بولنه جغنی افاده ایلمسی اوزرینه دخی عقد ثانی نك وقوعندن صکره اولکی مقاوله نامه نك حکمی قالدیغندن موکلی طرفندن شق ایدلدیکنی و مؤخرأ حصه داران میانده تنظیم بولنان ایکنجی مقاوله نامه امام مومی الیهک دفترنده مقید ایدوکنی تذکار ایله اثبات مدعا ضمننده حصه دارانندن علی وکاشف مهر ایله امام مومی الیهک تصدیقنی حاوی و طقسان اوچ سنه سی مارتندن شباطی غاینه دکن برسنه لک بدل ایجاردن لازم کلان ویرکو و مصارف تنزیل ایدلکدن صکره الی بریک ایکیوز طقسان التي

نظاماً لازم کلان فائضیه برابر هر قوم خرستودن بالتحصیل مزبوره سحر خانم اعطاسنه دأر مذکور بک اوغلی حقوق دائرة سندن ویریلان اعلام هر قوم خرستونک مراجعت واقع سنه مینی لدی التمزیز مزبور خرستو وکیل سالف البیان اوچ سنه نك ایجار مقاوله سنک ایکنجی سنه فسخیله سنوی التي یوز اون لیرایه عقد ایجار اولندیغنی و اوچنجی سنه دخی بدل ایجار بشبوز الی قائمیه تنزیل ایدیله رک تجدید عقد وقوعبولدیغنی افاده وادعا ایتسی اوزرینه مجله نك بیک التي یوز اوتوز ایکنجی ماده سی حکمجه اشبو دفع دعواسی ایچون وکیل هر قومندن اثبات اراغسی لازم کلور ایکن بالهکس مدعیه وکیلندن دعواسی مؤید مقاوله نامه طلب اولنسی بولسز اولدیغنی کبی طرفین وکیلار نك تصادق دخی بالکز برنجی وایکنجی سنه نك ایجارینه منحصر وعقد ثانی بی مدعیه وکیل منکر اولمقله بو بایده تدقیقات مقتضیه ایفاو اکیال اولندوقدن صکره معامله قانونیه نك اجراسی ایجاب حالندن و هر قوم خرستو مذکور مغازه ده شریک اولنق جهتیه تأویل ملک ایله اقامت ایدوب شوخالده مغازه مذکور معد للاستقلال اولسه یله ضمان منفعت لازم کلیه جکی مجله نك بشبوز طقسان یدنجی ماده سی احکامندن ایکن بالکز امام مومی الیهک عقد مذکورده سحر خانمک موافقتی اولدیغنه دأر وقوعبولان افاده سی اوزرینه هر قوم خرستونک مزبوره سحر خانمک حصه سنده فضولی اقامت ایتمکده اولسند ذهاب ایله ادعا اولتمیان اجر مثلک هر قوم خرستودن تحصیلنه حکم ایدلسی اصول محاکمه یه مغایر اولدیغنی جهتله نقض اولنه رق اولبایده محکمه تمیز حقوق دائرة سندن صادر اولان اعلام اوزرینه مذکور بک اوغلی حقوق دائرة سنه اعاده مصلحت اولندوقدن و هر قوم خرستو علیهنده ویریلان اعلام غیابیدن طولانی اعتراض علی الحکم

وقوعه کلد کدن صکره طرفینک وجاها محاکمه لری بالاجرا ایکنجی سنه ده اولکی اوچ سنه ایچون واقع اولش اولان عقدک کلیا فسخیله بیکدن برسنه ایچون تجدید عقد اولندیغنی مدعیه وکیلک انکارینه قارشو نه ایله تبین ایتدیره بیله جکی مدعی علیه وکیلندن صورلدوقده مأچورده شریک اولنلر ایله اثبات ایده جکی سوبلد کدن و طرفینک بشقه افاده لری اولدیغنی اکلاشلدوقدن صکره تدقیقات لازمیه لیدی الابدات منازع فیه اولان مغازه بی حصه دارانندن مدعی علیه هر قوم خرستو اول امرده سنوی التي یوز اوتوز لیرا اجاره ایله اوچ سنه ایچون استیجار ایدوب اولبایده مقاوله نامه دخی تعاطی ایدلکدن و برسنه لک بدل اجاره اول وجهله ویرلد کدن صکره ایکنجی سنه اولدوقده هر قوم خرستو اجاره نك تنزیلی طلب ایتسنه مینی ینه بین الشریکا اجاره نك التي یوز اون لیرایه تنزیلنه موافقت حاصل اولوب مدعیه وکیل بوکره هر نه قدر بوتنزیه موکله سی موافقت ایتماش اولدیغنی سوبلش ایسهه اولکی ضبطلره مراجعت اولندوقده اولوجهله موافقتی تبین ایتدیکنندن مدعیه وکیلک اخیرا تحویل لسان ایتکله حتی کوریه مدیکته و ذاتا بو ایکنجی سنه نك اجاره سندن التي یوز اون لیرا حسابله موکله سی حصه سنه طاند قرق ایکی بچق لیرا ایچون مقدمات بشقه جه اعلام ویرلش بولندیغنه مینی بونک بحث کوتورری قالیوب اصل منازعه اوچنجی سنه نك بدل ایجارینه منحصر بولمقله بوراسنه عطف نظر اولندوقده مدعی علیه وکیل اوچنجی سنه نك اجاره سیچون سائر حصه صاحب لری بشبوز الی عدد یوزلک قائمیه راضی اوله رق اگرچه مدعیه نك اوچنجی سنه نك تنزیل اجاره سنده رضاسی منضمه اولماش ایسهه ماده مادام که برنجی سنه ده تنظیم قلمش اولان اجاره مقاوله نامه سی ایکنجی سنه فسخ ایدیله رک التي یوز اون لیرایه برسنه

اظہار افلاس ایتمش اولان صرافاندن قرہب
تمغه جیانک افلاسی حقمندہ لازم کلان معاملات
قانونیہ کاملاً اجرا اونمش اولدیغندن مفلس
مرقوم ذمتندہ الاجبی اونلرک قانون تجارتک
ایکیوز اونبرنجی ماده سنہ توفیقا مفلس مرقوم
طرفندن تکلیف اولته جق قونقورداتونک مذاکره
وقرارلشدیرلمسیچون اشبویک ایکوز طقسان بش
سنہ سی تشرین ثانینک اون بشنجی پنجشنبه کون
ساعت اتی راده لرنده دردنجی محکمه تجارتہ کلرل

واقامه ایلدیجکی شرکانک شهادتلی شایان اعتبار
اولدیغی ماده سی اول امرده تحت قراره التیق
وبو قرارک تفهیمیلہ برابر حزبوره سحر خانمک
انکارینہ مقارن مرقوم خرستونک وکیلک تصدی
ایتمش اولدیغی دعوائی آخرشهود شخصیه ودلائل
مقبوله اراٹہ سبلہ اثبات ایدوب ایتمه جکی سوال
اولتی واثباتدن عجزی تحقق ایلدیکی تقدیرده
الته جق نتیجه افاده سی اوزرینہ اولوقت معاملات
قانونیہ نک اکیالی جهتہ کیدمک لازم کاور ایکن
بک اوغلی حقوق دائره سنجه بو طریق نظامی به
(بقیه سی صکره)

محمد افندیکن اسماعیل افا ذمتندہ بااعلام مطلوب
اولان مبالغ معلومه نک تسویه سی ذمتندہ مدیون
مرقوم مالک اولدیغی بر رأس اینکی تحت حجه
الذرق اشبو تشرین ثانینک سکرنجی پنجشنبه کون
ساعت درت راده لرنده فاتح جوارنده واقع اسب
بازارنده بالمزایده فروخت اولته جغندن طالب اونلرک
یوم مذکورده مذکور بازارده بولملری بک اوضی
بدایت محکمه سی اجرا دائره سی طرفندن اعلان
اولنور

(اعلان)
سعادتلو پاولاکی صوا افندی به محکوم به دینندن
طولایی بک اوغلنده بروسه زقاغندہ صواچارشوستندہ
کائن ۱۱ نومرولی خاندهه مستأجره اقامت ایتمکده
اولان ماریونقه قادیکن مذکور خاندهه محجوز اولان
سیاه کنارلی آیتنه ۱ سیاه مرمرلی قونسول ۱
رسملی چاغی ۱ شیشه لمبه ۱ طاوله ۱ صندالیه
۳ مندر مع یاصدق ۲ چکمهجه ۱ طباق طاقی
تبسی ۳ باقر طاقی ترازلی ۱ مندر یاستیغی ۳ درت
ایاقلی اورنه ماسه سی ۱ صاری پرده ۴ معدن ظرف
۳ قوانوز ۲ سماور ۱ طاوله ماسه سی ۱ سیاه
کنارلی آیتنه ۱ یوارلق ماسه ۲ درت گوشه لی
اچیلور ماسه اچینی لمبه ۱ یکرلی اوچ قلم اشیاسی
اشبو تشرین ثانینک اوننجی جمعه ابرتسی کونی
ساعت درت راده لرنده بک اوغلی بدایت محکمه سی
اجرا مأمور بتی حابندن بالمزایده فروخت ایتدیریله
جکندن طالب اونلرک یوم مذکورده مذکور
خانہ به عزیمت ایتلمری اعلان اولنور

امور عدلیه وسائر به متعلق قوانین ونظامات
صحافتلر چارشوستندہ میری صحافی بسیم افندی دکانده
وسلطان محمود تربہ سی جوارنده کائن مصارف
کتبخانه سنده فیثات مقطوعه سیله صاتلور